

Publicaziuns officialas dils 21 d'uost 2026

Vischnaunca Trun

Damondas da baghegiar

Datum da publicaziun: 14-08-2026
Petent: Lorenz Decurtins, Via Gravas 29, 7166 Trun
Representanza: architectura tambornino sa, Via Principala 44, 7166 Trun
Object: Adattaziun digl access tier la casa sin parcella 2095 a Gravas
Zona: Zona dil vitg

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Elecziun dalla suprastanza communal

Perioda d'uffeci 2027-2029

La elecziun ha liug dumengia, ils 27 da settember 2026

Abdicau ha:

Arpagaus Lucas, gerau

Sebasond sin artechel 17 da nossa lescha davart votaziuns ed elecziuns valan tuts officials che han buca abdicau sco proponi, numnadamein:

Dumeni Tomaschett, president communal

Kurt Wolf, gerau

Martino Della Valle, gerau

Silvana Menzli, geraua

Propostas per la suprastanza communal ein d'inoltrar entochen ils 27 d'uost 2026 (Art. 19 lescha davart votaziuns ed elecziuns).

Tenor art. 19 dalla lescha davart votaziuns ed elecziuns san gruppas da silmeins 5 votants proponer candidats per la suprastanza. Talas propostas ein da far en scret e d'inoltrar all'administraziun communal.

Ina proposta astga buca cuntener dapli candidats ch'il diember da posts libers. Las candidatas ed ils candidats ston mintgamai vegnir indicai cun num e prenum, onn da naschientscha, liug e professiun.

Administraziun communal Trun

Sessiun dil cussegl da vischnaunca

gliendisdis, ils 24-08-2026 allas 19.30 uras ell'aula dalla casa da scola

Tractandas:

1. Approbaziun dil protocol dalla sessiun dils 04-05 2026
2. Revisiun parziala dil reglament per far diever dallas vias d'uaul cun vehichels a motor
3. Revisiun parziala dil reglament da schulda e castitgs dil corp da pumpiers Sumvitg-Trun
4. Damonda da credit per sustegn d'abonnements da sport
5. Pusseivladad da tschentar damondas

Administraziun communal Trun

Uniun Trun Cultura

Dils 28–30 d'uost ha liug il Festival DAPERTUT cun cantadurAs, giugadurAs, artists e comediants da num e pum. Da tedlar e veser ein Alexi e Marcus, Mattiu, Las buobas Scherrer, Corin Curschellas, David Flepp ed ulteriur enconuschents acturs ed acturas. Bigliets ein da comprar sut Festival da tribunas DAPERTUT.

SPAZI d'art Matias SPESCHA

Spescha & Spescha–Energy Fields cun bab Matias e feglia Venice
15 d'uost allas 14:15–15:15 guid tras l'exposiziun cun Esther Spycher

CASA CARIGIET

Zarli Carigiet – davon e davos las culissas 22 d'uost 14_15–15:30 guid tras l'exposiziun en cumbinaziun cun investa ell'architettura.

Scola da musica Surselva

La Scola da musica Surselva porscha il suandont cuors:

Ritmica per affons pigns (annadas 2021 e 2022)

A: Trun ella sala da cultura

Scolasta d'instrucziun: Gabriela Tambornino

Adina il mardis 13:30–14:20 uras (8 lecziuns) 08.09. /15.09. /22.09. /29.09. /06.10./
27.10./03.11. /10.11.2026

Bugen spitgein l'annunzia tochen ils 03.09.2026. Formulars ed ulteriuras informaziuns
www.bzs-surselva.ch (annunzia online).

Scola da musica Surselva

Museum Sursilvan Cuort Ligia Grischa

Guida publica cun Beat Manetsch

Dumengia, ils 23-08, 14:15 ha liug ina guida publica cun igl artist Beat Manetsch tras sia exposiziun d'art «... dils davos onn». La guida ei cumprida el prezi d'entrada.

Durant il **Festival DAPERTUT** ei il museum aviarts sco suonda:

venderdis, 28-08, 14:00-21:30 cun producziuns da Fabian Krestel 17:30 e Luca Maurizio 19:30
en nies curtin

sonda, 29-08, 12:30-17:00

dumengia, 30-08, 12:30-17:00

Entrada gratuita cul ticket da festival.

Sera d'inscunter e discuors cun Beat Manetsch

Venderdis, ils 5-09, 19:00 sentupein cun Beat Manetsch e discurren sur da sia via tier igl art.
Entrada frs. 10.

Cordialmein envida il team dil museum

Sentupada a Schlans

Dapi gl'avrel organisescha la Pro Schlans cun las Sentupadas mintga meins a Schlans ina pusseivladad da s'entupar. La proxima Sentupada ha liug ils 4 da settember. Allas 18 uras dat ei ina guida tras il vitg cun Erica Cavegn Pfister – liug da reuniun ei la caplutta Nossadunna dalla neiv – e sin las 19 uras cuschinan Annamaria e Clemens ella Sentupada sut baselgia maluns sco pli baul el Chispàcius. Detagls sut www.schlans.ch. Annunzias bugen entochen mesjamna sera, ils 2 da settember per sms, whatApp, telefon ni mail: +41 79 640 31 86 ni markus.leo.kaiser@gmx.ch.

Pro Schlans

Tir Obligatoric

Vischnauncas da Trun e Medel mirar sut Sumvitg.